

# PERPUSTAKAAN AWAM PASIR GUDANG

KERATAN AKHBAR BERKAITAN PASIR GUDANG

03 JANUARI 2019

KHAMIS



AKHBAR	TAJUK BERITA	M/S
HARIAN METRO	NGERI PESAWAT 'ATAS KEPALA'	2
UTUSAN MALAYSIA	IBU TUNGGAL TABAH JAGA ANAK ALAMI MASALAH SARAF	3
BERITA HARIAN	PENDUDUK RISAU PESAWAT TERBANG RENDAH, BUNYI BISING	4



# HARIAN METRO

Artikel metro  
3/1/19

PESAWAT komersial berlepas dan tiba dari Lapangan Terbang Changi Singapura yang dapat dilihat di ruang udara Kampung Tanjung Langsat, Pasir Gudang.

## Ngeri pesawat 'atas kepala'

■ Penduduk risau pelaksanaan tatacara sistem ILS di Lapangan Terbang Seletar

Mohd Fahmi Mohd Yusof  
mohdfahmi@nstp.com.my

### Pasir Gudang

Orang ramai sekitar kawasan ini menyuarakan kebimbangan susulan pelaksanaan tatacara Sistem Pendaratan Instrumen (ILS) di Lapangan Terbang Seletar di Singapura yang berkuat kuasa hari ini. Tinjauan di sekitar kawasan ini terutama di Kampung Tanjung Langsat di sini, mendapati rata-rata penduduk bimbang dengan jarak penerbangan kapal terbang terlalu rendah selain bunyi yang bising.

Beberapa pesawat yang tidak dapat dipastikan sama ada dari Lapangan Terbang Changi atau Lapangan Terbang Seletar, dilihat terbang rendah di perairan Pasir Gudang dan Pengerang setiap

lima minit.

Pemandu lori, Suhairy Ahmad Moin, 43, berkata, sepanjang bertugas di kawasan Pasir Gudang, banyak pesawat terbang rendah terutama di kawasan perairan, namun tidak dapat dipastikan sama ada ia baru berlepas atau mahu mendarat di Singapura.

"Kebiasaannya daripada kefahaman saya sendiri semua kapal terbang itu adalah tujuan komersial dan biasanya menuju atau terbang dari Lapangan Terbang Changi di Singapura.

"Terfikir juga macam-macam perkara apabila melihat pesawat terbang terlalu rendah, bimbang jika berlaku apa-apa dan terhempas," katanya ketika ditemui di sini, semalam.

Pekerja swasta, Noraisha Othman, 34, berkata, setiap kali terlihat pesawat terbang rendah dalam kawasan Pasir

Gudang, pasti dia akan berasa bimbang dan ngeri.

"Ngeri rasa bila lihat di atas kepala pesawat begitu dekat terbang dan kadang kala terfikir juga keselamatan penduduk di sini.

"Sepatutnya laluan pendaratan perlu ditetapkan jauh dari kawasan penempatan bagi memastikan keselamatan penduduk," katanya.

Sementara itu, penduduk Kampung Tanjung Langsat, Ibrahim Ramli, 69, berkata, bagi penduduk di sini pula berbeza penerimaannya dan menganggap kehadiran kapal terbang itu sebagai tarikan yang dinantikan terutama buat kanak-kanak di kampung berkenaan.

"Kalau kapal terbang, di sini ramai datang untuk melihat ia terbang rendah terutama di jeti hujung kampung ini, namun dari segi bunyi bagi kami tidaklah




“Ramai datang untuk melihat ia terbang rendah terutama di jeti hujung kampung”

Ibrahim Ramli

mengganggu sangat.

"Masalah timbul bila ada jet pejuang daripada Singapura yang masuk ke ruang udara di sini, tidaklah kerap tetapi pernah dan ia sedikit memberi gangguan bunyi, namun saya difahamkan dari aspek pertahanan perjanjian dibuat antara Malaysia dan Singapura. Itu saya tidak tahu macam mana.

"Tetapi jika ia membabitkan masalah keselamatan negara, saya fikir kerajaan perlu segera selesaikan konflik ini supaya ia tidak menimbulkan sebarang masalah di kemudian hari nanti," katanya.



# UTUSAN MALAYSIA

## Ibu tunggal tabah jaga anak alami masalah saraf

utusan malaysia  
3/1/19

Oleh MOHD. KHAIRUL MOHD. ALI  
pengarang@utusan.com.my

■ PASIR GUDANG 2 JAN.

**S**ORANG ibu tunggal kepada tiga anak memerlukan bantuan dalam meringankan beban dihadapinya kerana dua anaknya tidak normal seperti kanak-kanak lain.

Nurul Ain Zakaria, 33, kini tidak dapat bekerja bagi menjaga anak-anaknya dan hanya bergantung kepada wang bantuan Jabatan Kebajikan Masyarakat sebanyak RM1,000 sebulan.

Menurutnya, jumlah berkenaan bagaimanapun tidak dapat menampung kehidupan mereka sekeluarga kerana perlu menampung kos perubatan dua anak serta kos persekolahan.

"Anak sulung saya, Nur Adriana Aqilah Mohamad Fairuz yang berusia 10 tahun mengalami masalah saraf yang turut mengganggu ingatannya.

"Sementara anak ketiga saya, Nur Aurora Darmaya berusia lima bulan mengalami masalah kegagalan pernafasan selain penyakit kekejangan otot sejak dilahirkan," katanya ketika ditemui di kediamannya di Taman Air Biru di sini semalam.

Selain Nur Adriana Aqilah dan Nur Aurora Darmaya, Nurul Ain turut memiliki seorang lagi



**CHE ZAKARIA MOHD. SALLEH** (kiri) menyampaikan sumbangan barangan keperluan kepada Nurul Ain Zakaria (dua dari kiri) sambil diperhatikan Nur Adriana Aqilah (dua dari kanan) dan Mohamad Izz Darwisy di Johor Bahru, kelmarin. - BERNAMA

anak iaitu Mohamad Izz Darwisy yang kini berusia 8 tahun.

Nurul Ain berkata, perbelanjaan bulanan banyak dihabiskan untuk perubatan kedua-dua anaknya yang kurang sihat.

"Perbelanjaan bagi Nur Aurora Darmaya adalah untuk minumannya iaitu susu khas selain kos lampin pakai buang dan pengangkutan untuk ke hospi-

tal kerana saya tidak memiliki kenderaan.

"Bagi Nur Adriana Aqilah pula, perbelanjaannya adalah membabitkan ubat yang perlu diambil untuk mengawal emosinya yang sering terganggu khususnya ketika tertekan, contohnya apabila berada di tempat ramai orang," katanya.

Prihatin dengan dugaan diha-

dapi ibu tunggal ini, Ahli Dewan Undangan Negeri (ADUN) Permas, Datuk Che Zakaria Mohd. Salleh menziarahi keluarga berkenaan sambil menyampaikan sumbangan.


"Saya akan membantu Nurul Ain dan anak-anaknya bagi mengurangkan beban perbelanjaan perubatan dan persekolahan anaknya," katanya.



# BERITA HARIAN

[ FOTO HAIRUL ANUAR RAHIM / BH ]

## Penduduk risau pesawat terbang rendah, bunyi bising



Antara pesawat komersial berlepas dan tiba dari Lapangan Terbang Changi di Singapura yang dapat dilihat di ruang udara Kampung Tanjung Langsat, Pasir Gudang, semalam.

**Pasir Gudang:** Orang ramai di sekitar kawasan ini menyuarakan kebimbangan susulan pelaksanaan tatabaca Sistem Pendaratan Instrumen (ILS) di Lapangan Terbang Seletar di Singapura yang berkuat kuasa hari ini.

Tinjauan BH di sekitar kawasan ini terutama di Kampung Tanjung Langsat di sini, mendapati penduduk bimbang dengan laluan penerbangan pesawat yang terlalu rendah untuk mendarat selain bunyi bising.

Beberapa pesawat yang tidak dapat dipastikan sama ada dari Lapangan Terbang Changi atau Lapangan Terbang Seletar di Singapura, dilihat terbang rendah di perairan Pasir Gudang dan Pengarang setiap lima minit.

Pemandu lori, Suhairy Ahmad Moin, 43, berkata sepanjang bertugas di kawasan Pasir Gudang, banyak pesawat terbang rendah terutama di kawasan perairan,

namun tidak dapat dipastikan sama ada ia baru berlepas atau mahu mendarat di Singapura.

**Berasa bimbang, ngeri**

"Kebiasaannya daripada kefahaman saya sendiri semua kapal terbang ini adalah pesawat komersial dan biasanya menuju atau dari Lapangan Terbang Changi di Singapura.

"Kadang terfikir juga macam-macam perkara apabila melihat pesawat terbang terlalu rendah, bimbang jika berlaku apa-apa," katanya ketika ditemui di sini, semalam.

Pekerja swasta, Noraisha Othman, 34, berkata setiap kali melihat pesawat terbang rendah dalam ruang udara Pasir Gudang, pasti dia akan berasa bimbang dan ngeri.

"Ngeri rasa apabila lihat di atas kepala pesawat terbang rendah dan kadangkala terfikir juga kese-

lamatan penduduk di sini. Sepatutnya laluan pendaratan perlu ditetapkan jauh daripada kawasan penempatan bagi memastikan keselesaan penduduk," katanya.

Penduduk Kampung Tanjung Langsat, Ibrahim Ramli, 69, berkata ramai yang datang ke jeti hujung kampung itu melihat pesawat yang terbang rendah.

"Bagaimanapun, masalah timbul apabila ada jet pejuang dari Singapura yang masuk ke ruang udara di sini, tidaklah kerap tetapi pernah ada dan ia memberi gangguan bunyi, namun saya difahamkan dari aspek pertahanan perjanjian sudah dibuat antara Malaysia dan Singapura. Itu saya tidak tahu macam mana.

"Tetapi jika ia membabitkan masalah keselamatan negara, saya fikir kerajaan perlu segera selesaikan konflik ini supaya ia tidak menimbulkan sebarang masalah di kemudian hari nanti," katanya.

BH 31/19

